

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



1783 880 25-2
Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-03-30-14995-1/20
Sarajevo, 11.06.2020. godine

SKUPŠTINA KANTONA SARAJEVO
Služba za skupštinske poslove
- Ovdje -

PREDMET: Odgovor na zastupničku inicijativu

Poštovani,

na 25. Radnoj sjednici Skupštine Kantona Sarajevo, održanoj 18.05.2020. godine, u okviru tačke Dnevnog reda "Poslanička/zastupnička pitanja, zastupnica Admela Hodžić je pokrenula zastupničku inicijativu prema Ministarstvu privrede Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo da se u narednom periodu provede anketa za privredne subjekte na području Kantona Sarajevo kojima je zabranjena djelatnost odlukom Kriznog štaba, a time ili djelimično, ili u potpunosti, smanjena poslovna aktivnost i promet 20 ili više procenata, kojom bi se izjasnili koju vrstu pomoći trebaju i očekuju u narednom periodu od Kantona Sarajevo kako bi stabilizirali i poboljšali svoje poslovne aktivnosti.

Odgovor

Zaključkom Vlade Kantona Sarajevo broj: 02-04-13523-1/20 od 22.05.2020. godine donesen je Program kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19) (u daljem tekstu "Program").

U pripremi Programa korišteni su podaci Porezne uprave Federacije BiH koji pokazuju da je za dva mjeseca (mart i april) ukupan broj svih registrovanih privrednih subjekata manji za 964 ili 4,53 % .



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Također, u pripremi Programa korišteni su rezultati ankete koju je, a za potrebe Kantona Sarajevo, uradila Privredna Komora Kantona Sarajevo. Anketa je provedena tokom mjeseca aprila 2020. godine, a njome je obuhvaćeno 1.078 privrednih subjekata različitih oblika organizovanja, djelatnosti kao i oni kojima je Odlukom Kriznog štaba ili zabranjena djelatnost ili onemogućena (uslužne djelatnosti). Privredni subjekti su u anketi izrazili svoja očekivanja od nadležnih organa vlasti kako slijedi:

- sufinansiranje plaća radnicima – 79,3%;
- dodjela grantova u cilju održavanja poslovanja – 44,8%;
- odgodu plaćanja kreditnih zaduženja – 29,6 %;
- dodjelu novih, povoljnijih kredita – 19,7 %;
- nadoknada štete uzrokovane širenjem pandemije - 22,9 %.

PRILOG:

1. Dopis broj: 01-04-12553-3/20,
2. Program kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19),
3. Zaključak broj: 02-04-13523-1/20 od 22.05.2020. godine,

S poštovanjem,

Pripremila: Rada Lukić
Belma Trajković sekretarka

DOSTAVITI:

1. Naslovu,
2. Predsjedavajućem Skupštine Kantona Sarajevo,
3. Dopredsjedavajućoj Skupštine Kantona Sarajevo, gđi Smiljani Viteškić
4. Dopredsjedavajućoj Skupštine Kantona Sarajevo, gđi Danijeli Kristić,
5. Dopredsjedavajućem Skupštine Kantona Sarajevo, gđin Vibor Handžić,
6. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63666
www.tuv.com



Bosna i Hercegovina
Federacija Bosne i Hercegovine
KANTON SARAJEVO
VLADA

PROGRAM

**kratkoročnih i srednjoročnih mjera od značaja za ublažavanje
negativnih ekonomskih posljedica na privredu u Kantonu Sarajevo
izazvanih koronavirusom (COVID-19)**

Sarajevo, maj, 2020. godine

I UVOD

Vlada Kantona Sarajevo u skladu sa članom 13. Zakona o ublažavanju negativnih ekonomskih posljedica i uštedama u Kantonu Sarajevo („Službene novine Kantona Sarajevo“, broj: 18/20) donosi Program kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19).

II STRUKTURA POSLOVNIH SUBJEKATA U FBIH

Prema statističkim podacima ukupan broj poslovnih subjekata u Federaciji BiH na dan 31.12.2018. godine iznosio je 110.536, što je više za 4,3 % u odnosu na prethodnu godinu. Ukupan broj poslovnih subjekata u Kantonu Sarajevo iznosio je 30.319 i viši je za 1.683 ili 5,9% u odnosu na prethodnu godinu. Broj poslovnih subjekata u Kantonu Sarajevo učestvuje u ukupnom broju poslovnih subjekata u Federaciji BiH sa 27,4%. Registrovan broj pravnih lica u Federaciji BiH na dan 31.12.2018. godine iznosio je 59.199, što je više za 3,6% u odnosu na prethodnu godinu, dok je u Kantonu Sarajevo broj registrovanih pravnih lica iznosio 18.502, a što je u odnosu na prethodnu godinu više za 951 ili 5,4%. Broj registrovanih pravnih lica na dan 31.12.2018. godine u Kantonu Sarajevo učestvovao je u ukupnom broju registrovanih pravnih lica u Federaciji BiH sa 31,3%.

Broj registrovanih fizičkih lica – obrtnika u Federaciji BiH, sa stanjem na dan 31.12.2018. godini iznosio je 51.337, a što je više za 5,2% u odnosu na prethodnu godinu. U Kantonu Sarajevo broj registrovanih obrtnika iznosio je 11.817 što je više za 732 ili 6,6 % u odnosu na 2017. godinu. Broj registrovanih fizičkih lica-obrtnika u Kantonu Sarajevo učestvovao je u ukupnom broju registrovanih fizičkih lica-obrtnika u Federaciji BiH sa 23,0%.

U 2018. godini u Federaciji BiH ostvaren je izvoz u ukupnom iznosu od 7.912 miliona KM što je za 9,1% više u odnosu na izvoz u 2017. godini. U Kantonu Sarajevo izvoz je iznosio 1.540 miliona KM što je za 1,4% više u odnosu na prethodnu godinu. Izvoz Kantona Sarajevo učestvovao je u ukupnom izvozu Federacije BiH sa 19,5%. Povećanje izvoza zabilježeno je u skoro svim općinama Kantona Sarajevo, a najviše u općini Novo Sarajevo za 31,5%, Hadžići za 11,6% i Ilidža za 6,8% dok je smanjenje izvoza zabilježeno samo u općinama Vogošća za 11,0% i Novi Grad za 9,3% u odnosu na prethodnu godinu.

U 2018. godini u Federaciji BiH ostvaren je uvoz u ukupnom iznosu od 13.267 miliona KM što je za 6,7% više u odnosu na 2017. godinu. U Kantonu Sarajevo uvoz je iznosio 4.678 miliona KM što je za 6,3% više u odnosu na prethodnu godinu. Uvoz Kantona Sarajevo u 2018. godini učestvuje u ukupnom uvozu Federacije BiH sa 35,3%. Povećanje uvoza zabilježeno je u većini općina Kantona Sarajevo, a najviše u općini Novo Sarajevo za 24,6%, Ilijaš za 16,0% i Ilidža za 14,8%, u odnosu na prethodnu godinu.

Kanton Sarajevo na području Federacije BiH se pokazuje kao značajno područje koncentracije ekonomskih potencijala (stanovništvo, zaposlenost, nezaposlenost), kao i efekata razvijenosti (stepen zaposlenosti, obim vanjsko-trgovinske razmjene). To je najveći obrazovni, zdravstveni i turistički centar u Federaciji BiH. Prema indeksu razvijenosti od 2,03 Kanton Sarajevo je iznad prosjeka razvijenosti Federacije BiH i rangiran je na prvo mjesto u Federaciji BiH. Prema BDP/pc u iznosu od 16.712KM Kanton Sarajevo je 1,7 puta razvijeniji od prosječnog BDP/pc Federacije BiH. Prosjek BDP/pc Europske unije (EU)u 2018. godini je 28.200 eura, što znači da je BDP/pc Kantona Sarajevo (oko 8.590 eura) 2018. godine iznosio 30,4% prosječnog BDP/pc EU, dok je BDP/pc u FBIH iznosio 18% prosječnog BDP/pc EU.

Ukupno registrovani privredni subjekti u FBiH po kantonima

stanje na dan: 31.12.2018. godine


Kanton	UKUPNO poslovnih subjekata	Poslovni subjekti		Obrtnici - fizička lica
		Pravna lica	Poslovne jedinice	
USK	9.419	5.457	3.637	3.962
PK	1.574	1.038	820	536
TK	21.045	9.514	5.892	11.531
ZDK	14.203	6.602	4.150	7.601
BPK	1.027	562	430	465
SBK	10.279	5.102	2.688	5.177
HNK	13.945	7.036	3.265	6.909
ZHK	5.239	3.234	900	2.005
Kanton Sarajevo	30.319	18.502	6.768	11.817
K10	3.486	2.152	989	1.334
FBiH	110.536	59.199	29.539	51.337

Izvor podataka: Federalni zavod za statistiku, 2019

Obrada: Federalni zavod za programiranje razvoja

Ukupno registrovani privredni subjekti u FBiH po kantonima

stanje na dan: 31.12.2018. godine



III STRUKTURA POSLOVNIH SUBJEKATA U KANTONU SARAJEVO


Ukupno registrovani privredni subjekti u Kantonu Sarajevo prema KD BiH 2010

stanje na dan: 31.12. prema KD BIH 2010

Struktura/Godina	2015.	2016.	2017	2018.	2019.
A Poljoprivreda, šumarstvo i ribarstvo	481	651	719	680	654
B Vađenje ruda i kamena	18	16	17	17	18
C Prerađivačka industrija	2.575	2.615	2.718	2.828	2.932
D Proizvodnja elek. energije, plina	60	65	65	66	69
E Snabdijevanje vodom, upravljanje otpadom	51	50	49	50	51
F Građevinarstvo	1.161	1.192	1.241	1.336	1.417
G Trgovina na veliko i malo	6.214	6.513	6.642	7.113	7.263
H Prijevoz i skladištenje	1.896	1.793	1.793	1.807	1.833
I Hotelijerstvo i ugostiteljstvo	2.128	2.088	2.203	2.378	2.526
J Informacije i komunikacije	816	868	919	1.042	1.114
K Finansijske djelatnosti	198	210	214	225	234
L Poslovanje nekretninama	513	681	822	920	1.010
M Stručne, naučne i tehničke djelatnosti	2.685	2.808	3.005	3.211	3.398
N Administrativne uslužne djelatnosti	701	795	916	1.050	1.143
O Javna uprava i odbrana	313	313	293	293	294
P Obrazovanje	343	363	372	395	422
Q Djelatnosti zdravstvene i socijalne zaštite	561	578	605	629	649
R Umjetnost, zabava i rekreacija	1.176	1.234	1.271	1.314	1.362
S Ostale uslužne djelatnosti	4.392	4.584	4.743	3.936	5.102
T Djelatnost domaćinstva kao poslodavca	2	2	1	1	1
U Djelatnosti vanteritorijalnih organizacija	27	26	28	28	30
UKUPNO	26.311	27.445	28.636	30.319	31.522

Izvor podataka: Federalni zavod za statistiku, 2019

Ukupno registrovani privredni subjekti u Kantonu Sarajevo (2015-2019)



Ukupan broj subjekata male privrede u Kantonu Sarajevo

stanje na dan: 31.12.2019. godine prema KD BiH 2010

Struktura/Godina	Pravna lica	Obrti	UKUPNO
A Poljoprivreda, šumarstvo i ribarstvo	136	518	654
B Vađenje ruda i kamena	18	0	18
C Prerađivačka industrija	1.180	1.752	2.932
D Proizvodnja elek. energije, plina	66	3	69
E Snabdijevanje vodom, upravljanje otpadom	50	1	51
F Građevinarstvo	904	513	1.417
G Trgovina na veliko i malo	4.773	2.490	7.263
H Prijevoz i skladištenje	477	1.356	1.833
I Hotelijerstvo i ugostiteljstvo	683	1.843	2.526
J Informacije i komunikacije	785	329	1.114
K Finansijske djelatnosti	170	64	234
L Poslovanje nekretninama	956	54	1.010
M Stručne, naučne i tehničke djelatnosti	2.135	1.263	3.398
N Administrativne uslužne djelatnosti	873	270	1.143
O Javna uprava i odbrana	294	0	294
P Obrazovanje	360	62	422
Q Djelatnosti zdravstvene i socijalne zaštite	315	334	649
R Umjetnost, zabava i rekreacija	1.233	129	1.362
S Ostale uslužne djelatnosti	3.943	1.159	5.102
T Djelatnost domaćinstva kao poslodavca	0	1	1
U Djelatnosti vanteritorijalnih organizacija	30	0	30
UKUPNO	19.381	12.141	31.522

Izvor podataka: Federalni zavod za statistiku, 2019

IV PODACI POREZNE UPRAVE FEDERACIJE BiH

Prema podacima Porezne uprave Federacije BiH na dan 29.02.2020. godine u Kantonu Sarajevo bilo je ukupno registrovano 21.240 privrednih subjekata. Od toga broja, ukupan broj registrovanih pravnih lica je iznosio 13.137 ili 61,85%, a fizičkih lica je ukupno bilo registrovano 8.103 ili 38,15%. Također, podaci Porezne uprave Federacije BiH pokazuju da je u svim registrovanim privrednim subjektima u Kantonu Sarajevo u mjesecima: mart i april 2019. godine ostvaren ukupan promet od 2.886.325.123,00 KM.

Ukupan broj registrovanih pravnih lica na dan 30.04.2020. godine prema podacima Porezne uprave Federacije BiH iznosio je 12.174 ili 60,04%, a fizičkih lica je ukupno registrovano 8.102 ili 39,96%. Navedeni podaci pokazuju da je u Kantonu Sarajevo dana 30.04.2020. godine prema evidencijama Porezne uprave Federacije BiH za dva mjeseca manje ukupno registrovanih pravnih lica za 963 ili 7,33 %, dok je ukupan broj registrovanih fizičkih lica (obrta) manji za 1 ili 0,01%, a ukupan broj svih registrovanih privrednih subjekata manji za 964 ili 4,53%.

Istovremeno, a prema podacima Porezne uprave Federacije BiH, ukupan broj zaposlenih radnika od 163.304 krajem februara ove godine smanjen je na 156.588, odnosno ukupan broj zaposlenih u Kantonu Sarajevo je manji za 6.716 radnika ili za 4,28%.

Podaci Porezne uprave Federacije BiH na dan 30.04.2020. godine pokazuju da su registrovani privredni subjekti u Kantonu Sarajevo u mjesecima: mart i april 2020. godine ostvarili ukupan promet od 2.009.617.038,00 KM, a što je manje za 858.708.085,00 KM ili 29,94% u odnosu na isti period u 2019. godini.

V KRATKOROČNE I SREDNJOROČNE MJERE OD ZNAČAJA ZA UBLAŽAVANJE NEGATIVNIH EKONOMSKIH POSLJEDICA NA PRIVREDU U KANTONU SARAJEVO IZAZVANIH KORONAVIRUSOM (COVID-19)

U cilju ublažavanja negativnih ekonomskih posljedica po privredu Kantona Sarajevo, a imajući u vidu velike negativne ekonomske posljedice koje su nastale u proteklom periodu i koje će nastati u narednom periodu kao posljedica stanja nesreće izazvane pandemijom koronavirusa i s obzirom da je velikom broju privrednih subjekata (u određenim periodima) zabranjeno obavljanje djelatnosti naredbama nadležnih organa i da je kod velikog broja subjekata došlo do poremećaja u poslovanju usljed poremećaja na tržištu prometa roba i usluga, donesen je Zakon o ublažavanju negativnih ekonomskih posljedica i uštedama u Kantonu Sarajevo („Službene novine Kantona Sarajevo“, broj: 18/20). U cilju rasterećenja privrede, ovim Zakonom propisane su sljedeće mjere za ublažavanje negativnih ekonomskih posljedica: Finansiranje cijele ili dijela minimalne mjesečne neto plaće (u FBiH) za mjesec april i maj 2020. godine za djelatnosti kojima je naredbama štabova civilne zaštite zabranjen rad, odnosno rad onemogućen ili znatno otežan zbog posljedica uzrokovanih pandemijom koronavirusa; Ukidanje obaveze plaćanja administrativne takse za spise i radnje kod organa uprave i pravnih lica koja imaju javna ovlaštenja na području Kantona Sarajevo; Ukidanje obaveze plaćanja sudske takse za prijavu upisa privrednog društva u sudski registar, za rješenje o upisu osnivanja privrednog društva i dijela privrednog društva u sudski registar, za rješenje o upisu u sudski registar kada se više privrednih društava pripaja u jedno privredno društvo, za rješenje o upisu ovlaštenog lica za zastupanje privrednog društva u sudski registar, za zahtjev i rješenje o brisanju privrednog društva iz sudskog registra, za prijedlog da se otvori postupak stečaja ili likvidacije i za prijavu povjerilaca u postupku stečaja ili likvidacije; Ukidanje obaveze plaćanja komunalne takse za istaknutu firmu za privredna društva i fizička lica koja obavljaju samostalnu djelatnost, a koja prvi put pokreću privrednu ili uslužnu djelatnost; Ukidanje obaveze plaćanja članarine Turističkoj zajednici Kantona Sarajevo; i Ukidanje obaveze plaćanja naknade za općekorisne funkcije šuma. Dalje, članom 13. ovog Zakona propisano je da će Vlada Kantona Sarajevo u roku od sedam dana od dana stupanja na snagu ovog Zakona donijeti Program kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19).

Sa tim u vezi, sačinjene su Kratkoročne i srednjoročne mjere od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19) koje su prikazane u niže navedenoj tabeli. Prije svega, treba napomenuti da u ovom setu mjera, pored inkorporiranih mjera propisanih Zakonom, nalaze se projektirane mjere čije provođenje je neophodno da bi se izvršilo ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19).

Kada je u pitanju struktura ovog seta mjera, ista uključuje: kratkoročne mjere (A1. i A2.) čija je realizacija u toku i srednjoročne mjere kojima se planira izvršiti: Podrška tekućoj likvidnosti privrede na području Kantona Sarajevo, kroz realizaciju mjera od M 1.1. do M 1.10.; Podrška revitalizaciji privrede na području Kantona Sarajevo, kroz realizaciju mjera od M 2.1. do M 2.6.; i Provođenje mjere socijalne politike M 3.1., a koja mjera se odnosi na finansiranje materijalno socijalne sigurnosti nezaposlenih osoba na osnovu odredbi od člana 45. do člana 53. Zakona o posredovanju u zapošljavanju i socijalnoj sigurnosti nezaposlenih osoba FBiH („Službene novine Federacije BiH“, broj 41/01. 22/05 i 9/08).

**KRAJKOROČNE I SREDNJOROČNE MJERE OD ZNAČAJA ZA UBLAŽAVANJE NEGATIVNIH EKONOMSKIH POSLJEDICA
NA PRIVREDU U KS IZAZVANIH KORONAVIRUSOM (COVID-19)**

Oznaka	Naziv mjere	Period primjene mjere	Odnosni subjekti	Potrebna primarna aktivnost	Napomena	Iznos (KM)/ Izvor sredstava	Rok realizacije
A. Krajkoročne mjere – realizacija u toku							
A	Finansiranje dijela plaće za mjesec mart 2020. godine do visine minimalne plaće u iznosu od 406.00 KM, u zavisnosti od perioda zabrane djelatnosti	Period zabrane obavljanja djelatnosti u mjesecu martu 2020. godine	Subjekti kojima je u cjelosti ili djelimično zabranjeno obavljanje djelatnosti odnosnom naredbom nadležnog organa, a koji ispunjavaju uslove iz odnose odluke Vlade KS	Objava javnog poziva u skladu sa odnosnom odlukom Vlade KS	Nosioci provođenja ove mjere su: Ministarstvo privrede KS Ministarstvo finansija KS	4.535.000,00/ Budžet KS	30.05.2020. godine
A.1.	Finansiranje dijela tekućih troškova hotelijera/smiještajnih objekata, incoming putničkih agencija i turističkih vodiča iz sredstava Turističke zajednice KS	n/a	Hotelijeri/smiještajni objekti, incoming, putničke agencije i turistički vodiči, koji ispunjavaju uvjete iz odnosnog javnog poziva	Donošenje odluke Vlade KS o davanju saglasnosti na kriterije i uslove za dodjelu sredstava Turističke zajednice KS	Nosioci provođenja ove mjere su: Turistička zajednica KS Ministarstvo privrede KS	1.000.000,00/ Turistička zajednica KS	30.06.2020. godine
B. Srednjoročne mjere							
1. Podrška tekućoj likvidnosti privrede na području Kantona Sarajevo							
M 1.1.	Finansiranje dijela minimalne mjesečne neto plaće (u FBiH) za mjesec april i maj 2020. godine	01.04.2020. do 31.05.2020. godine	Subjekti kojima je zabranjeno obavljanje djelatnosti naredbama štabova civilne zaštite, odnosno kojima je rad onemogućen ili znatno otežan zbog posljedica uzrokovanih pandemijom koronavirusa	Donošenje provedbenog akta iz člana 2. stav (2) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20)	Nosioci provođenja ove mjere su: Vlada KS Ministarstvo privrede KS Ministarstvo finansija KS Općine u KS	20.000.000,00/Budžet KS (kreditna sredstva MMF i sredstva općina u KS)	30.06.2020. godine

M 1.2.	Relaksacija odnosnog ugovora za subvencioniranje kamata za privredne subjekte zaključenog između Kantona Sarajevo/odnosne općine u KS i odnosne komercijalne banke	U skladu sa odnosnim aneksom na zaključen ugovor	Subjekti na koji se odnosi ovaj aneks	Provesti aktivnosti u skladu sa Zakonom o poticaju razvoja male privrede ("Službene novine KS": broj 29/15)	Nosilac provođenja ove mjere – Ministarstvo privrede KS/općina u KS koja ima zaključen ovaj ugovor	Dostupna kreditna sredstva: 40.000.000,00	30.06.2020. godine
M 1.3.	Relaksacija odnosnih ugovora za poticaje startup subjektima zaključenih između općine u KS i korisnika ovih poticajnih sredstava (općine u KS koje imaju zaključene ove ugovore)	U skladu sa aneksima na zaključene ugovore	Subjekti s kojima su zaključeni ovi ugovori	Provesti aktivnosti u skladu sa Zakonom o poticaju razvoja male privrede ("Službene novine KS": broj 29/15)	Nosilac provođenja ove mjere – općine u KS koje imaju zaključene ove ugovore	650.000,00	31.12.2020. godine
M 1.4.	Oslobadanje od plaćanja zakupnine (osim PDV-a) zakupaca poslovnih prostorija u vlasništvu Kantona Sarajevo/Grada Sarajeva/općine u KS (alternativno: zakupodavac iz vlastitih sredstava plaća PDV)	01.04.2020. godine do roka koji je određen Zakonom	Zakupci kojima je zabranjeno obavljanje djelatnosti odnosnom naredbom nadležnog organa	Donijeti Zakon o izmjenama i dopunama Zakona o preuzimanju, izmjenama i dopunama Zakona o zakupu poslovnih zgrada i prostorija ("Službene novine KS" broj 14/97, 29/09, 40/15 i 32/19), po hitnom postupku	Nosilac pripreme ovog Zakona – Ministarstvo privrede KS	Rasterećenje privrede 1.720.000,00 (procjena)	do roka koji je određen Zakonom
M 1.5.	Oslobadanje od plaćanja zakupnine (osim PDV-a) zakupaca javnih površina u Kantonu Sarajevo (alternativno: zakupodavac iz vlastitih sredstava plaća PDV)	01.04.2020. godine do roka koji je određen Zakonom	Zakupci kojima je zabranjeno obavljanje djelatnosti odnosnom naredbom nadležnog organa	Donijeti Zakon o izmjenama i dopunama Zakona o privremenom korištenju javnih površina ("Službene novine KS", broj 20/04, 26/12, 32/12 i 24/15), po hitnom postupku	Nosilac pripreme ovog Zakona – Ministarstvo prostornog uređenja, građenja i zaštite okoliša KS	Rasterećenje privrede 300.000,00 (procjena)	do roka koji je određen Zakonom
M 1.6.	Ukidanje obaveze plaćanja naknade za općekorisne funkcije šuma	Od dana stupanja na snagu Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS": broj 18/20) do 60. dana po prestanku nesreće	Obveznici po Zakonu o šumama KS ("Službene novine KS": broj 5/13)	Primarna aktivnost je realizovana donošenjem Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS": broj 18/20)	Ministarstvo privrede KS – Uprava za šumarstvo prati provođenje ove mjere	Rasterećenje privrede 2.000.000,00	60. dan po prestanku nesreće

M 17	Ukidanje obaveze plaćanja članarine Turističkoj zajednici KS	Od dana stupanja na snagu Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20) do 60. dana po prestanku nesreće	Obveznici po Zakonu o turizmu ("Službene novine KS", broj 19/16, 31/17 i 34/17)	Primarna aktivnost je realizovana donošenjem Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20)	Turistička zajednica KS prati provođenje ove mjere	Rasterećenje privrede 1.500.000,00	60. dan po prestanku nesreće
M 18.	Ukidanje obaveze plaćanja administrativne takse za spise i radnje kod organa uprave i pravnih lica koja imaju javna ovlaštenja na području KS	Od dana stupanja na snagu Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20) do 60. dana po prestanku nesreće	Obveznici koji plaćaju administrativne takse za spise i radnje kod organa uprave i pravnih lica koja imaju javna ovlaštenja na području KS	Primarna aktivnost je realizovana donošenjem Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20)	Ministarstvo finansija KS prati provođenje ove mjere	Rasterećenje privrede 3.200.000,00	60. dan po prestanku nesreće
M 19.	Ukidanje obaveze plaćanja sudske takse za prijavu upisa privrednog društva u sudski registar, za rješenje o upisu osnivanja privrednog društva i dijela privrednog društva u sudski registar, za rješenje o upisu u sudski registar kada se više privrednih društava pripaja u jedno privredno društvo, za rješenje o upisu ovlaštenog lica za zastupanje privrednog društva u sudski registar, za zahtjev i rješenje o brisanju privrednog društva iz sudske registre, za prijedlog da se otvori postupak stečaja ili likvidacije i za prijavu povjerilaca u postupku stečaja ili likvidacije	Od dana stupanja na snagu Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20) do 60. dana po prestanku nesreće	Obveznici plaćanja ovih sudskih taksi	Primarna aktivnost je realizovana donošenjem Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20)	Ministarstvo finansija KS prati provođenje ove mjere	Rasterećenje privrede 4.450.000,00	60. dan po prestanku nesreće

M 1 10.	Ukidanje obaveze plaćanja komunalne takse za istaknutu firmu za privredna društva i fizička lica koja obavljaju samostalnu djelatnost, a koja prvi put pokreću privrednu ili uslužnu djelatnost	Od dana stupanja na snagu Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20) do 60. dana po prestanku nesreće	Privredna društva i fizička lica koja obavljaju samostalnu djelatnost, a koja prvi put pokreću privrednu ili uslužnu djelatnost	Primarna aktivnost je realizovana donošenjem Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20)	Ministarstvo finansija KS prati provođenje ove mjere	Rasterećenje privrede 350.000,00 (procjena)	60. dan po prestanku nesreće
2. Podrška revitalizaciji privrede na području KS							
M 2 1.	Obezbjedenje dodatnih sredstava za sanaciju poljoprivrede u KS promjenom svrhe korištenja namjenskih sredstava – naknade iz čl. 51. Zakona o poljoprivrednom zemljištu ("Službene novine FBiH", 52/09)	U periodu trajanja stanja nesreće i 60 dana po prestanku nesreće	Korisnici novčanih podsticaja iz Zakona o novčanim podsticajima u poljoprivredi na području Kantona Sarajevo ("Službene novine KS", broj 1/12 i 15/13)	Donijeti Odluku o prenamjeni sredstava iz člana 12. stav (2) Zakona o ublažavanju negativnih ekonomskih posljedica ("Službene novine FBiH", broj 28/20)	Donosilac Odluke: Vlada KS	50.000,00/Budžet KS	60. dan po prestanku nesreće
M 2 2.	Obezbjedenje dodatnih sredstava za sanaciju privrede u KS promjenom svrhe korištenja namjenskih sredstava – naknada iz čl. 45. Zakona o prostornom uređenju KS ("Službene novine KS", broj 24/17)	Od dana stupanja na snagu Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20) do 180. dana po prestanku nesreće	n/a	Donijeti odluku o prenamjeni sredstava iz člana 11. stav (3) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine KS", broj 18/20)	Donosilac odluke: Načelnik općine u KS	2.900.000,00 (procjena)	180. dan po prestanku nesreće
M 2.3.	Obezbjedenje dodatnih sredstava za sanaciju privrede u KS promjenom svrhe korištenja namjenskih sredstava – naknada za izgradnju i održavanje javnih skloništa i sredstava ostvarenih od izdavanja skloništa u zakup	U periodu trajanja stanja nesreće i 60 dana po prestanku nesreće	n/a	Donijeti odluku o prenamjeni sredstava iz člana 12. stav (2) Zakona o ublažavanju negativnih ekonomskih posljedica ("Službene novine FBiH", broj 28/20)	Donosilac odluke: Vlada KS	620.000,00 (procjena)	60. dan po prestanku nesreće

M 2.4.	<p>Godišnji program razvoja male privrede za 2020. godinu pripremiti i usvojiti tako da uključujući one zakonske mjere i aktivnosti koji će dati najbolje učinke u oporavku male privrede.</p> <p>Planirana sredstva u iznosu od 5.780.000,00 KM će se rasporediti na način - da se 2.000.000,00 KM koristi kao poticajna grant sredstva subjektima male privrede, a 3.780.000,00 KM će se koristiti za otvaranje kreditnih linija po subvencioniranim kamatnim stopama sa komercijalnim bankama</p>	2020. godina	<p>Subjektiv koji su sredstva dobili u skladu sa Zakonom o poticaju razvoja male privrede ("Službene novine KS", broj 29/15)</p>	<p>Sačiniti analizu i pripremiti Godišnji program i provesti aktivnosti u skladu sa Zakonom o poticaju razvoja male privrede ("Službene novine KS", broj 29/15)</p>	<p>Nosilac pripreme ovog Godišnjeg programa – Ministarstvo privrede KS</p>	<p>1.500.000,00/ Budžet KS 500.000,00/UNDP Dostupna kreditna sredstva: 94.500.000,00</p>	31.12.2020.
M 2.5.	<p>Realizacija nove kreditne linije sa izabranom komercijalnom bankom koja linija uključuje subvencioniranje kamata za privredne subjekte na području odnosno općine u KS (općine u KS koje osiguraju sredstva za ovu namjenu: 550.000,00 KM - procjena)</p>	2020. godina	<p>Subjektiv koji će sredstva dobiti u 2020. godini u skladu sa Zakonom o poticaju razvoja male privrede ("Službene novine KS", broj 29/15)</p>	<p>Provesti aktivnosti u skladu sa Zakonom o poticaju razvoja male privrede ("Službene novine KS", broj 29/15)</p>	<p>Nosilac provođenja ove mjere – općine u KS koje osiguraju sredstva za ovu namjenu</p>	<p>Dostupna kreditna sredstva: 13.750.000,00</p>	31.12.2020.
M 2.6.	<p>Povećanje iznosa sredstava namijenjenih redovnim podsticajima u poljoprivredi na području KS</p>	2020. godina	<p>Subjektiv koji zadovoljavaju uvjete iz Javnog poziva</p>	<p>Provesti aktivnosti u skladu sa Zakonom o novčanim podsticajima u poljoprivredi na području Kantona Sarajevo ("Službene novine KS", broj 1/12 i 15/13)</p>	<p>Nosilac provođenja ove mjere – Ministarstvo privrede KS</p>	<p>5.000.000,00/ Budžet KS redovni podsticaji u poljoprivredi) 890.000,00/Budžet KS (dodatni podsticaji u poljoprivredi osigurani internom preraspodjelom sredstava u Ministarstvu privrede KS)</p>	31.12.2020.

3. Mjere socijalne politike				
M 3.1.	Finansiranje materijalno socijalne sigurnosti nezaposlenih osoba na osnovu odredbi od člana 45. do člana 53. Zakona o posredovanju u zapošljavanju i socijalnoj sigurnosti nezaposlenih osoba (BiH ("Službene novine Federacije BiH", broj 41/01, 22/05 i 9/08)	2020. godina	Nezaposlene osobe	Donošenje Rješenja o priznavanju prava na novčanu naknadu, pojedinačno
				Nosioci provođenja ove Mjere: JU "Služba za zapošljavanje KS", Sarajevo Ministarstvo rada i socijalne politike KS
				16.500.000/ Sredstva Fonda za nezaposlene koji će biti dopunjavan sredstvima FBiH
				31.12.2020.

Rekapitulacija

Podrška likvidnosti firme				
1.	Direktna potpora firmama za održavanje nivoa zaposlenosti i otvaranje novih mjesta KM			26.185.000,00
2.	Restrukcije firmama za podršku likvidnosti kroz oslobađanje od plaćanja stalnih i promjenljivih kamata			17.040.000,00
Ukupno				
Podrška revitalizaciji firme - kreditna sredstva i grantovi				
1.	Kreditna sredstva			148.230.000,00
2.	Podrška grant sredstva subjektima male privrede			2.000.000,00
3.	Potrebna potpora			594.000,00
Ukupno				
Podrška osobama koje su ostale bez posla putem JU "Služba za zapošljavanje Kantona Sarajevo", Sarajevo				
				156.190.000,00
Sveukupno				
				215.915.000,00

VI IMPLEMENTACIJA MJERE M 1.1. - FINANSIRANJE DIJELA MINIMALNE MJESEČNE NETO PLAĆE (U FBiH) ZA MJESEC APRIL I MAJ 2020. GODINE

Članom 2. stav (1) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj: 18/20) propisano je da će Vlada Kantona Sarajevo osigurati finansiranje cijele ili dijela minimalne mjesečne neto plaće (u FBiH) za mjesec april i maj 2020. godine za djelatnosti kojima je naredbama štabova civilne zaštite zabranjen rad, odnosno rad onemogućen ili znatno otežan zbog posljedica uzrokovanih pandemijom koronavirusa.

Provedbeni akt iz člana 2. stav (2) ovog Zakona na prijedlog Ministarstva privrede Kantona Sarajevo donosi Vlada Kantona Sarajevo. Rok za donošenje ovog provedbenog akta je najkasnije 10 (deset) dana od dana stupanja na snagu ovog Zakona.

U okviru seta kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19) uključena je i mjera M 1.1. koja se odnosi na finansiranje dijela minimalne mjesečne neto plaće (u FBiH) za mjesec april i maj 2020. godine. Bazni elementi implementacije ove mjere M 1.1. su sljedeći:

1. Subjekti koji su isključeni iz finansiranja dijela minimalne mjesečne neto plaće (u FBiH) za mjesec april i maj 2020. godine

Sljedeći subjekti su isključeni iz finansiranja dijela minimalne mjesečne neto plaće (u FBiH) za mjesec april i maj 2020. godine: javna preduzeća, javne ustanove, javne institucije, organi uprave, upravne organizacije, organi i jedinice lokalne samouprave, banke i druge finansijske organizacije (oblasti po KD BiH 2010: 64-66), subjekti koji obavljaju djelatnost kockanja i klađenja, udruženja, te fizička lica koja samostalno obavljaju registrovanu poslovnu djelatnost, a koja u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu.

2. Kriteriji za finansiranje dijela minimalne mjesečne neto plaće (u FBiH) za mjesec april i maj 2020. godine

Pravo na isplatu dijela minimalne mjesečne neto plaće (u FBiH) za mjesec april i maj 2020. godine mogu ostvariti poslovni subjekti (pravna lica i fizička lica koja samostalno obavljaju registrovanu poslovnu djelatnost) koji ispunjavaju sljedeće uslove:

- a) da nije subjekt iz tačke 1., tj. da nije subjekt koji je isključen iz finansiranja dijela minimalne mjesečne neto plaće (u FBiH) za mjesec april i maj 2020. godine,
- b) da ima sjedište u Kantonu Sarajevo,
- c) da se poslovna jedinica poslovnog subjekta sa sjedištem u Kantonu Sarajevo ili sa sjedištem izvan Kantona Sarajevo na području FBiH nalazi u Kantonu Sarajevo, ako poslovni subjekt u svom sastavu ima poslovnu jedinicu,
- d) da je u mjesecu aprilu 2020. godine, odnosno u mjesecu maju 2020. godine imao pad prometa u odnosu na prosječni mjesečni promet u 2019. godini, kako slijedi:
 - (1) veći od 40% do 70% ili
 - (2) veći od 70%,
- e) da do dana objave javnog poziva ima izvršene obaveze po osnovu javnih prihoda sa 29.02.2020. godine i
- f) da je zadržao isti broj radnika na dan 30.04.2020. godine, odnosno na dan 31.05.2020. godine u odnosu na dan 29.02.2020. godine, osim onih radnika kojima je istekao ugovor o radu i/ili koji su sporazumno prekinuli radni odnos.

3. Iznos dijela minimalne mjesečne neto plaće (u FBiH) koji će se isplatiti poslovnim subjektima koji ispunjavaju sve potrebne uslove za mjesec april, odnosno mjesec maj 2020. godine

Iznos dijela minimalne mjesečne neto plaće (u FBiH) koji će se isplatiti poslovnim subjektima koji ispunjavaju sve potrebne uslove za mjesec april, odnosno mjesec maj 2020. godine je sljedeći:

- 1) za subjekte koji imaju pad prometa veći od 40% do 70%, iznos je do 50% minimalne mjesečne neto plaće (u FBiH) i
- 2) za subjekte koji imaju pad prometa veći od 70%, iznos je do 100% minimalne mjesečne neto plaće (u FBiH).



Broj: 02-04-13523-1.1/20
Sarajevo, 22.05.2020. godine



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-13523-1/20
Sarajevo, 22.05.2020. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi Prečišćeni tekst i 37/14 – Ispravka) i člana 13. Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj: 18/20) Vlada Kantona Sarajevo, na 27. vanrednoj sjednici održanoj 22.05.2020. godine, donijela je

ZAKLJUČAK

I

Donosi se Program kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19), koji je sastavni dio ovog Zaključka.

II

Za provođenje Programa iz tačke I ovog Zaključka zadužuju se Ministarstvo privrede Kantona Sarajevo, Ministarstvo finansija Kantona Sarajevo, Ministarstvo prostornog uređenja, građenja i zaštite okoliša Kantona Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo, Javna ustanova "Služba za zapošljavanje Kantona Sarajevo" Sarajevo.

III

Za provođenje Programa iz tačke I ovog Zaključka Vlada Kantona Sarajevo zaključit će sporazume sa općinama u Kantonu Sarajevo i Gradom Sarajevo.

IV

Program iz tačke I ovog Zaključka, odmah po usvajanju, objavit će se na službenoj web stranici Vlade Kantona Sarajevo sa ciljem informiranja javnosti.

PREMIJER

Mario Nenadić

Dostaviti:

1. Predsjedavajući Skupštine Kantona Sarajevo,
2. Zamjenici Predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo privrede Kantona Sarajevo,
5. Ministarstvo finansija Kantona Sarajevo,
6. Ministarstvo prostornog uređenja, građenja i zaštite okoliša Kantona Sarajevo,
7. Ministarstvo za rad, socijalnu politiku, raseljena lica i izbjeglice Kantona Sarajevo,
8. Javna ustanova "Služba za zapošljavanje Kantona Sarajevo", Sarajevo,
9. Općine u Kantonu Sarajevo (9x),
10. Grad Sarajevo (putem Ministarstva privrede Kantona Sarajevo),
11. Evidencija,
12. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tei: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

